

Headline	Jangan terikut-ikut Propaganda label Malaysia perosak hutan		
MediaTitle	Utusan Malaysia		
Date	22 Dec 2011	Color	Black/white
Section	Dlm Negeri	Circulation	197,952
Page No	25	Readership	833,287
Language	Malay	ArticleSize	123 cm ²
Journalist	N/A	AdValue	RM 1,603
Frequency	Daily	PR Value	RM 4,808



'Jangan terikut-ikut propaganda label Malaysia perosak hutan'

PUTRAJAYA 21 Dis. - Rakyat disaran supaya tidak terikut-ikut dan terpedaya dengan propaganda sesetengah negara asing yang cuba menjatuhkan permintaan terhadap produk Malaysia dengan mendakwa negara ini sebagai perosak hutan.

Ketua Pengarah Institut Penyelidikan Perhutanan Malaysia (FRIM), Datuk Dr. Abd. Latif Mohmod berkata, pelabelan negatif tersebut merupakan sejenis perang ekonomi yang bertujuan menjejaskan populariti produk Malaysia seperti minyak sawit.

Menurutnya, negara tertentu terutamanya dari Barat sering menuding jari ke atas Malaysia tanpa menyedari bahawa negara ini mempunyai liputan 56 peratus hutan.

"Kemampuan dan sekitar tetap dijaga walaupun kawasan pertanian dimajukan, banyak negara gagal melakukan apa yang telah dicapai oleh Malaysia.

"Indonesia banyak hutan tetapi nisbahnya kecil jika dibandingkan dengan populasinya, Arab Saudi ada minyak tetapi tidak ada hutan, hutan di Amerika Syarikat telah habis, Belanda pula cakup banyak tetapi hutannya tidak banyak," katanya.

Beliau berkata demikian kepada pemberita selepas menghadiri majlis perasmian Seminar Kebangsaan Biodiversiti 2011 yang disempurnakan Timbalan Menteri Sumber Asli dan Alam Sekitar, Tan Sri Joseph Kurup di sini, hari ini.

Mengulas lanjut, Abd. Latif berkata, tanaman sawit yang tinggi sebenarnya jauh lebih mesra biodiversiti jika dibandingkan dengan tanaman soya yang renek.

"Mereka kata penanaman sawit akan rosakkan biodiversiti, pada hal sawit itu tanaman yang baik kerana ia benarkan pokok lain untuk hidup bersama. Komponen pokok sawit seperti batangnya juga boleh digunakan untuk pelbagai tujuan lain dan dapat mengelakkan lebih banyak pokok dalam hutan ditbang.

"Tanaman soya itu pula pokok renek yang tidak benarkan tanaman lain hidup di kawasanya. Kitar hidupnya juga pendek dan perlu menggunakan lebih banyak baja," katanya.